

# Guangjisi Minzcu Bau

ganhhau: CN45-0036 B.2014 Nd.12 Ng.3 liggaeuq gyapngux nienz ndwencib cibngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3151期

## Gih Raeuz Aen Mozsi Guh Cuengh Gun Song Saw Vah Caemh Yamq Sonhag Ndaej Guekgya Ciengjli

### 我区壮汉双语同步教学模式喜获国家级大奖

Bonjbauq siusik(dunghsinyenz Lingz Hinghningz/零兴宁 Cinz Giz-vwnz/覃其文) Geij ngoenz gonq, 2014 nienz guekgya gaep gyauyoz cwngzgoj bingzsenj hozdung gungh bingzsenj ok 5 hangh daegdaengjciengj, 148 hangh itdaengjciengj caeuq 1167 hangh ngeihdaengjciengj, baez hozdung neix youz gyauyuzbu cawjbanh. Gvangsijh Gyauyuzdingh Minzcu Gyauyuzcu cucangj Veiz Lanzmingz dangdaez guh aen hanghmoeg "Cuengh Gun song saw vah caemh yamq sonhag mozi", neix

ndaej guekgya gaep gyauyoz cwngzgoj ngeihdaengjciengj.

Veiz Lanzmingz lwnh naeuz, 1990 nienz, gih raeuz youq Gveigangj Si Cinzdangz Gih Mungzgungh Yangh Cuengh Gun Song Saw Vah Saedniemh Siujyoz haidaeuz guh "Cuengh Gun song saw vah caemh yamq sonhag mozi". 1991 nienz daengz 2010 nienz, laebdaeb youq Vujmingz, Dwzbauj daengj 24 aen yienh(si, gih) 64 aen Cuengh Gun song saw vah saedniemh siujyoz(baugvat giz sonhag) doigvangq aen mozi neix. 2010

nienz, gih raeuz gaijndei nem caezcienz "Cuengh Gun song saw vah caemh yamq sonhag mozi", guh baenz le "nienzgaep daemq caemh yamq caez, nienzgaep gyang caemh yamq mbanj, nienzgaep sang caemh yamq noix".

Ciuq cam rox, 2011 nienz daengz 2014 nienz, gih raeuz dingh daengx gih 59 aen siujyoz guh "Cuengh Gun song saw vah caemh yamq sonhag mozi", saedniemh yozyau, neix caenh'itbough hengzguh ndei "Cuengh Gun song saw vah caemh yamq sonhag mozi".

### SIUSIK DINJ

#### 简讯

● 11 nyied 13 daengz 26 hau, Guekgya Minzveij youq Cunghyangh Minzcu Yozyen gawjbanh daihhaj geiz fuzbinz gunghgenh naengzlig gensez beizyinbanh, Dwzbauj Yen baij 20 boux saujsu minzcu gohgiz ganbu bae camgya. Doenggvaq beizyin hagsib, gyroengqde lai miz saenqsim youq dieg saujsu minzcu guh ginghci gensez.

(Nungz Yungjfang)

● Bineix, Fuconh Yauz-cuz Swciyen haenqrengz saedhengz niemh namh dwk-bwnh, mbaetyungh bonjcienz, hawj namh lai mboeng, henhoh vanzging, gyalai nungzminz souhaeuj. Dangq-naj, daengx yienh 148 aen cunh(mbanj), 75 fanh moux dieg niemh namh dwkbwnh, saedyienh "ciuq aeu gwn ngaiz".

(Cinz Gihungz)

● Bineix, Liujcwngz Yen roengzrengz fazcanj byaekgwn canjyiez, coicaenh nungzminz laisou. Bineix, aen yienh neix ndaem byaekgwn 10 fanh moux, cungcanjlieng 9 fanh dun, raetgwn cungcanjlieng guj miz 6 fanh dun.

(Dwng Gwzyiz)

● Dangqnaj, Lozcwngz Mulaujcuz Swciyen gij giyez doenggvaq minzcu mouyi giyez swghwz nyinhdingh de daj 2010 nienz 8 aen fazcanj daengz dangqnaj 31 aen, guj bineix daengx bi ndaej boujdiep cienz leihsik 1400 fanh maenz doxhwnj.

(Mungz Cwnghsw)

● Bineix, Dendwngj Yen nyinhcaen guh ndei hong boujdiep nungzminz ndaem haeux caeuq hong soucawx haeux dingh'aeu nem haeux bwh ce. Dangqnaj, aen yienh neix gaenq soucawx 4500 dun haeuxciemcaeux, bouj-diep 108 fanh maenz hawj doenghboux gai haeux de.

(Vangz Lilanz)

Aenhoih Haiguh Aen Gunghcwngz Daengx Guek Minzcu Mouyi Minzcu Canjbinj Giyez "Unglaeb Cien Aen Hoengh Bak Aen" Nem 2014 Nienz Hong Minzcu Mouyi Giyez Yencangzvei Youq Nanzningz Hai

### 全国民贸民品企业“千家培育百家壮大”工程启动会暨 2014 年民贸工作现场会在南宁召开



Bonjbauq siusik (gicej Liengz Cingz/梁晴) 11 nyied 26 hau banhaet, aen hoih haidaeuz guh aen gungh-cwngz daengx guek minzcu mouyi minzcu canjbinj giyez "unglaeb cien aen hoengh bak aen" nem 2014 nienz hong minzcu mouyi giyez yencangzvei youq Nanzningz hai. Daengx guek 40 lai boux daibyaui camgya. Guekgya Minzveij Ginghci Fazcanjsw swcangj Yoz Cangzhungz, Ginghci Fazcanjsw Minzmoucu cucangj Yez Cingh, Swcigih Minzveij cujyin Luz Yenbenj, fucujyin Vangz Cigen camgya caemhcaiq fat baiz hawj gih raeuz gij minzcu canjbinj giyez ndaej daih'it buek dinghguh "bak aen giyez ak" de. Ndaew doz dwg hai hoih yienhciegz.

## Yungzanh: Dajsan Doenghyiengh Faexcuk Hawj Nungzminz Mbanj Yauzcuz Baenzfouq

### 融安: 竹编编织瑶乡农民致富梦

Gaenh bi daeuj, Yungzanh Yen dangdieg cwngfuj dazyinx nungzminz mbanj Yauzcuz doenggvaq gyagoeng faexcuk, dajsan satnaeng ndei, yiemhcueng, gij habhuqleix faexcuk, doengj faexcuk coq nyapnyaj daengj 30

lai yiengh doenghyiengh bingzciengz yungh nem gunghyibinj, daezsang fu'gyahciz, gij doenghyiengh neix gai bae Yeznanz daengj guekgya Dunghmungz, neix hawj dangdieg boux ndaem faex laisou baenzfouq, doengz-

seiz, youh ndaej henhoh vanzging, saedyienh song hingz. Ciuq cam rox, aen yienh neix bineix buenq bi gonq saedyienh linzyez canjciz 4.9 ik maenz.

(Danz Gaijhingh/谭凯兴)